



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCLII. ad annum CCCCLXXX.

Parisiis, 1644

VII. Vbi Augustinus episcopus cum Synodo Nicaenum Concilium seruare
promittit.

urn:nbn:de:hbz:466:1-14918

me adhuc moueat, reticere non debeo. Si episcopus forte iracundus (quod esse non debet) cito aut aspere commoueat aduersus presbyterum siue diaconum suum, & exterminare eum de ecclesia voluerit, prouidendum est, ne innocens damnetur, aut perdat communionem. Et ideo habeat potestatem eiectus, vt finitimos interpellet episcopos, vt causam suam audiant, & diligenter tractent, quia non oportet negari audientiam roganti. Et ille episcopus, qui aut iuste, aut iniuste eum eiecit, patienter accipiat, vt negotium discutiatur, * aut probeatur eius, aut emendetur sententia, &c.

VII.

Cumque recitaretur, Augustinus ecclesie Hipponis Regiensis, legatus prouincie Numidie dixit: Et hoc nos seruaturos profiteamur, salua diligentiore inquisitione Concilii Niceni. Aurelius episcopus dixit: Si hoc etiam omnium vestre caritati placet, responsione firmate. Vniuersum Concilium dixit: Omnia que in Niceno Concilio statuta sunt, nobis omnibus placent. Iocundus episcopus ecclesie Suffetule, legatus prouincie Byzacenae, dixit: Quod constitutum est in Niceno Concilio, violari a quoquam nullatenus potest.

VIII.

Faustinus episcopus, legatus ecclesie Romanae, dixit: Adhuc secundum professionem sanctitatis vestre, tam sancti Alypii, quam & fratris nostri Iocundi, aliqua infirmari credo, aliqua firmari debeant, cum iam in dubium ipsi Canones venerint. Ergo, vt placet & nobis & beatitudini vestre, ad